

Y Gwir Anrhydeddus Alun Cairns AS

Ysgrifennydd Gwladol Cymru

26 Ebrill 2018

Annwyl Ysgrifennydd Gwladol,

Ymchwiliad i'r paratodau ar gyfer yr hyn a fydd yn disodli ffrydiau cyllido'r UE yng Nghymru – Ymgynghoriad

Hoffai'r Pwyllgor Cyllid eich gwahodd i gyfarfod pwyllgor i drafod ei ymchwiliad i'r paratodau ar gyfer disodli cyllido'r UE yng Nghymru ar ôl i'r DU ymadael â'r UE. Mae'r ymchwiliad yn canolbwyntio ar y canlynol:

- asesu'r gwaith cynllunio ariannol ar gyfer yr hyn a fydd yn disodli ffrydiau cyllido'r yr Undeb Ewropeaidd yng Nghymru, a'r hyn sy'n cael ei wneud i baratoi ar gyfer gwahanol sefyllfaoedd posibl o ran lefelau cyllid a chyfrifoldeb gweinyddol, ac
- archwilio pa ddulliau ar gyfer gweinyddu'r hyn a fydd yn disodli ffrydiau cyllido'r Undeb Ewropeaidd a allai ddarparu orau i Gymru, ac i ba raddau y gallai'r rhain ail-greu neu fod yn wahanol i'r trefniadau presennol.

Credaf y bydd yn arbennig o bwysig i'r Pwyllgor ddeall mwy am yr opsiynau sy'n cael eu hystyried ar gyfer yr hyn a fydd yn disodli ffrydiau cyllido'r Undeb Ewropeaidd, pa lefelau o gyllid a allai fod ar gael i Gymru, ac i ba raddau y mae Llywodraeth y DU yn bwriadu i'r gweinyddiaethau datganoledig weinyddu ffrydiau cyllido yn y dyfodol.

Gall y Pwyllgor gynnig sawl dyddiad ym mis Mehefin a dechrau mis Gorffennaf, ac mae croeso i'ch swyddogion gysylltu â Chlerc y Pwyllgor i drefnu amser cyfleus. Byddem hefyd yn hapus i drefnu ichi ymddangos drwy gynhadledd fideo neu ddull arall, er hwylustod.

Yn gywir

Simon Thomas



Simon Thomas

Simon Thomas AC

Cadeirydd

Croesewir gohebiaeth yn Gymraeg neu'n Saesneg.

We welcome correspondence in Welsh or English

